

醫身冥卿潛寧冲虛辟斥諸禁諸忌不得妄  
 爲害炁當令子孫昌熾文詠九功武備七德  
 世世貴王與天地無窮一如土下九天律令  
 夫施用此法慎不可令人知若立冢墓王相  
 刑害諸不足者一以鎮文厭之無不厭伏反  
 凶爲吉范幼冲漢時尚書郎解地理乃以冢  
 宅爲意魏末得道在童幼中其云我今墓有  
 青龍乘炁上玄辟非玄武延軀虎嘯八垂殆  
 神仙之丘窟鍊形体之所歸乃上吉冢也  
 辛玄子言積善懋德慈心在物兼修長存之  
 方洞宇形中之寶者雖有此墓爲以示始終  
 之觀耳至於神全德全德會照鏡玄關亦何  
 時永爲朽物不復生出耶此墓之人斯可謂  
 應運矣  
 青童君謂西城真人王君曰范幼冲上學精  
 專故能洞達知其寄尸墓有四相自言之者  
 微顯功德招致有由獎厲後之至人也凡身  
 神即今俱舉入道並名神仙捨形託死鬼中  
 立功進學得道皆號靈人靈人辛玄子者亦  
 是漢人其才識功行足登聖真先世罪障未

得都洗雖有鬼職尋成高仙是以了明四相  
 之妙德前識合者寶秘勿妄傳也

洞真太上太霄琅書卷之八



洞真太上太霄琅書卷之九

大乘行業

左八

凡學上道大乘之人修已化世勿逃山林山  
 林絕人中小避欲合藥試術研習奇方是建  
 德之相非立功之大基山中立功無所所以  
 出世市朝起創治館繕寫經書宣行妙法助  
 國濟時慈心精勤抑惡揚善孜孜匪懈執正  
 治邪賞罰以中設法立戒有不必行之剪  
 非非德是前舉一正萬痛心悲悼矜愍愚人  
 致陷此刑願速改悟生即能轉死不促迴革  
 心悛意捨聞歸明如此雖殺益而無怨無怒  
 之刑刑而非殺聖人不殺神武之功世建德  
 無功德不能立羣魔惱試遂不得通急須諸  
 功却諸邪醜衆難悉度乃獲成真无功求真  
 是虛妄之學如斷足希行无成步之日矣  
 凡修功未滿遇世凶荒且應入山避於危難  
 當此之時彌須方術山有精靈不可侵犯亦  
 勿久居致生厭毒光怪與飛禍互作驚恐  
 妖異疾病中傷爲功輒亂所向不成三年可  
 移擇善棲慈名山即謂附名亦然踐行燒香

存神占卜啓告玄靈繕管理經書人住或異  
 或同或羣或獨隨宜製之醮禮依科出入如  
 法速可千年不拘得道也  
 凡先因宿命今生山林或居水側或處田園  
 或承前世係嗣相傳或始兆身緣事致爾不  
 必是惡亦未為善善惡猶行行業出心資  
 行道道有正科精思神悉尋經依師內事父  
 母外奉君王中從師友正心治身練履習妙  
 勤學不休出入山水舟車牛馬男女貴賤公  
 私云為唯存謹慎華素取中啓告玄靈動靜  
 如法雖居山水與世不殊山仁水智神交手  
 人人行仁智與神合吉小神相祐大神護之  
 久習仁智仁智弘深道德禮義信順咸和大  
 神小神同人為一矣  
 凡上學居山處世无異唯在精心兼嚴其事  
 雖居俗境間明清室壇臺堂房并竈浴瀆與  
 食香燈冠衣器物牀席動靜出入舟車牛馬  
 畜產同而有異各依法制不可任心乖法不  
 如俗人必敗元成非上人也上入妙士和光  
 同塵挫銳解紛與俗密異佩服錄諱呼吸元

精建德立功非凡所測齊謝之後佩奉真文  
 祈向未合由罪未原三約之後猶當都謝自  
 天子至于庶人三品如凡養育子孫報祖父  
 之恩不能報不知報報云多計報事皆罪人  
 相厭忠非智慧无智慧必頑塞不能開通善  
 不能防閑惡不能容非不能忍辱不能推讓  
 不能堪苦不能安貞不能處樂樂極則驕苦  
 極則怨聞父母之聲憎見尊上之影日夜僻  
 側逃而避之或惡聞子孫之音嫉害自下形  
 相擲而擺之以為奇能矯迹乖法此罪非智  
 者宣行神无證明聖教續種延年更相生長  
 更相愛念更相訓誨止惡修善日夜思惟有  
 過即改有是堅遵謙卑居退不競諍先諫說  
 勿闢借忝養神和聲怡息徐語安行臥坐序  
 序所為分明出入精審相與還源治邪保正  
 却濁求清削除死籍注定生名代人受苦甘  
 之无怨度人之樂節而无荒不及道悔不護  
 短申非諮問勝達不面從背越內外相應智  
 慧人也智慧之人可共上學非智慧者慎勿  
 與言言上有罪動致風刀閉口慎之自求多福

福緣相會智慧相逢如其无因獨立樂上遇  
 科精尋忖度我體先後所行即今所志與科  
 殊者急首改之與科合者堅固成就首罪成  
 福必須結齋自為為人隨時消息巾冠衣服  
 履板香油室壇壇牀帳經書供養之具皆當  
 依科所須勿闕非用勿施華素取中豐儉守  
 法法出諸經不可卒尋三品所宜其三科為  
 要其一高聖太真五帝四極明科上下二宮  
 其二太玄左官文青四極三十一卷獨立寶  
 經明科律文有右中二并左合三宮其三太  
 上九真明科有上中下三品其四極明科云  
 行七經之道太歲庚辰六月二十五日癸巳  
 已時北極真公除穢納馨神過七經仁義禮  
 智信及道德學道期乎至德至德得乎大道  
 大道玄遊涉求迢遙是以修善先行仁義禮  
 智與信連互相成始至乎終相生為次仁水  
 生火火生土信信生義金生智水水生通  
 德德生達道道德无極通達无窮長生不死  
 常住湛然能无能有最貴最尊仁亦長生尚  
 有幼年義斷禮節智通信和五德備者名曰

1111111111

至德究竟五千一焉號為大道道學七經經者徑也由也常也正也成也徑直易行由之得進常通不塞正以治邪轉敗為成經緯相會也玄素黃帝容成彭鏗巫咸陳叔習學七經演述陰陽生生為先仁之志非但七人七人迹多亦號七經天門玉子皆傳斯道外儒失道不知道為儒本儒為道末末本不知致无長壽之人遂為淫亂之俗也至於外儒五經備有詩書關雎禮貴婚嫁傳嗣之重歷代所同无後之罪三千莫大而不知男女悉數陰陽與爻聞之疑惟唯鄙成災良可痛念智者悟之能歸內道救理外儒詩禮傳易至千尚書樂經孝經欲末崇本本孝合乎道習樂同乎德德道弘深仁義備舉禮智常用信不暫虧緣末入本引外還內上學之功於此乎在也

三曰信經既知和節親疎相關朝野忠直无相違負  
 四曰義經既知忠直有與有取罰惡賞善更相成濟  
 五曰智經既知賞罰防有枉濫抑揚通疎除邪入正  
 六曰德經治邪保正五德均平无偏无苦常樂長存  
 七曰道德常樂長存勝泰无上上德不德教化立功功成身退權變无窮  
 凡人學道共修七經經有所明各有多少經思多餘事皆少少不受稱多故立名名為仁經亦有禮義信智道德五同若斯唯道獨多少行均平故號大道一切所宗也  
 六道多者各有所長  
 一曰仁道長於子孫衆多  
 二曰禮道長於敬讓貪諍止息  
 三曰信道長於誠實除諸欺華  
 四曰義道長於嚴斷祐吉剪凶  
 五曰智道長於釋滯化僞還真

六曰德道長於忘功守正无失入乎大道大道无名不去天人所崇也  
 凡明內道者陰陽相交行悉如數長短依經消災散禍治病延年請福結願求得神仙雖遍習七經當隨長救急行仁之道以獲遂賊止諸殺傷延年多子行禮之道消諸凌辱姦婦去來口舌說嫉行信之道滅眾怨仇違負信約妄語虛言行義之道誅剪淫梁厭伏寇盜却諸暴凶行智之道除邪斷嫌怨救憂病益年長善行德之道解諸妬怨消諸爭名却妖聲調雅樂和五合六七八九備成抱一統萬湛无虧盈行道之道无為而為化物立法幽顯无遺變化應運无極无窮也

洞真太上太霄琅書卷之九